



Broj: 15-03-16-5-39-104/24

Datum: 4.12.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (3) i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikaciona dokumenta, evidenciju i razmjenu podataka Bosne i Hercegovine donosi

O D L U K U o poništenju postupka javne nabavke

Član 1.

Poništava se postupak javne nabavke usluga **održavanja elektromehaničke opreme – kompresorskih agregata i elektrokotlova – LOT 2 – isporuka materijala i rezervnih dijelova za održavanje elektrokotlova**, objavljen na Portalu javnih nabavki Bosne i Hercegovine, Obavještenje o nabavci, broj 1110-7-1-69-3-89/24 od 11.9.2024. godine, i Ispravka za obavještenje o nabavci broj 1110-7-1-69-8-96/24 od 20.9.2024. godine, za koji je primijenjen postupak konkurentskog zahtjeva za dostavljanje ponuda.

Član 2.

Poništava se Odluka o izboru najpovoljnijeg ponuđača, broj 15-03-16-5-39-84/24 od 10.10.2024. godine.

Član 3.

Ova odluka stupa na snagu danom objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Po preduzetim aktivnostima Komisija za provođenje postupka javne nabavke usluga održavanja elektromehaničke opreme – kompresorskih agregata i elektrokotlova (u daljem tekstu: Komisija) je konstatovala da je rok za prijem ponuda bio 25.9.2024. godine do 10:00 sati, te da je do navedenog roka za – LOT 2 – isporuka materijala i rezervnih dijelova za održavanje elektrokotlova na pisarnicu Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to ponuđača „GLOBAL LOGISTIC“ d.o.o. Banjaluka. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-39/24 od 3.10.2024. godine, u kojem su detaljno obrazloženi razlozi za izbor najpovoljnijeg ponuđača. U postupku analiza i ocjene ponuda Komisija je utvrdila da ponuda ponuđača „GLOBAL LOGISTIC“ d.o.o. Banjaluka ispunjava sve zahtjeve u pogledu opisa predmetne nabavke i tehničkih specifikacija, zbog čega je predložila izbor ovog ponuđača za najpovoljnijeg.

U skladu sa prijedlogom Komisije, Agencija je donijela Odluku o izboru najpovoljnijeg ponuđača, broj 15-03-16-5-39-84/24 od 10.10.2024. godine, te svojim aktom broj 15-03-16-5-39-90/24 od 23.10.2024. godine uputila izabranom ponuđaču prijedlog okvirnog sporazuma na potpis, sa



zahtjevom da se isti potpiše u roku od sedam (7) dana od dana prijema. Navedeni akt Agencije izabrani ponuđač „GLOBAL LOGISTIC“ d.o.o. Banjaluka je zaprimio dana 25.10.2024. godine, što znači da je rok za vraćanje potpisanih primjeraka okvirnog sporazuma bio 1.11.2024. godine, a što se nije desilo.

Iz navedenih razloga ugovorni organ postupa u skladu sa članom 69. stav (3) Zakona o javnim nabavkama, otkazuje postupak javne nabavke, jer zbog dokazanih razloga, koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, ugovorni organ ne može zaključiti okvirni sporazum po provedenom postupku javne nabavke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana objave ove odluke na *web* stranici Agencije. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević

дигитално потписано / digitalno potpisano / digitally signed